

## Yuda

### *Yaizéze ac.*

<sup>1</sup> Yesu Kristoac welenqege icya, Yakoboac munia, ni Yudanéj, Anutu maŋgocninawac goi héihéiiguc héihéré énécmima, Kristo Yesuac niŋ wamma héjgalej waŋ énécmimia, onac mia kiwi yomi oénécmizua.

<sup>2</sup> Onac muru goi héihéiya, luaeya, zéma ala siŋa imi kindindiŋnec he énécmimac.

### *Kiwi ic ikora.*

<sup>3</sup> Kokoc sorochécna késpedesic igucnec nénépésiyu neŋaŋ momac yanda kesa kecziŋ aŋgénéj titinina imuac mia kiwi oénécmimaŋ zé ewa siŋna ogicma waŋ néŋu seliseli wamma keru. Yesu imi ic téréya neŋaŋ niŋac hatac momacgucnec metecgédacma ninzénéj ninzénéj mihicŋi nénécmiyec. Imuac niŋ ninzénéj ninzénéj imuaru naŋselimu niŋac meme seli ac oénécmimaŋac hezac zéma niŋi.

<sup>4</sup> Hénia imi suginaiguc ic tosara éléj keremma kecgic ionac ewa goro wamma ozua. Ic imuhucya niŋgési waŋ énécmimuac niŋ becarunec ackuazéc yomuhuc ogic hezac; Anutuac eeya ménda héianzu imi eneŋ ewa hiaya melenjic kaiseroac buŋa waŋanzac. Imuhuc wamma ieneŋ imi momacguc kekera Miŋ Kewunina momacguc Yesu Kristo qaecgé érécmianzu.

<sup>5</sup> Ini suruc yomi nindaczu, néj niniŋgina héiqeli énécmimaŋ zé wanzu. Becnec Miŋ Kewuni-nanéj Israel ic tuŋ Izipte baec igucnec metecgé

énécmiyec, néné andiaiguc ara ménda ninzégégic imi unudarec.

<sup>6</sup> Wañu kua meme uñahéra<sup>☆</sup> tosara nanañgina séciguc ménda nañkecma tatacgina waima keñgic imi zégési nalé yanda hamac nalé sura imuac séc tacmu niñac heheseli qatéénéc mima siñi tunumañ yandaiguc onoporecac keczu.

<sup>7</sup> Wañu Sodom zéma Gomora<sup>\*</sup> zéma ama lelec lelec tacma keñec imuac ic embac imi acguc séc imuhucyanec kaisero wamma baecac siñ hénia méñac<sup>†</sup> wamma méndacma keñgic geric hémbénañanéñ naec énécmima kawéya qeyu sésécac nañanzac.

<sup>8</sup> Wañu ic suginaiguc élén haréma keczu ieneñ imuhucnec gauguc héhéñ tanec kecma séwiginanéñ haka biria wamma miñ kewugina qahac tanec kecma qac buña téréya edamuya imi zébirianzu.

<sup>9</sup> Kua meme uña kiwagina Mikael iminéñ Moseac qamora niñac Biria miñinaguc héré héré amuma zéqegetali wañoc. Imuhuc wamma Biria miñinawac zébiri wammimañ zé niñu néhéliyu yomuhuc sac zéyec; Miñ kewunéñ ac zégémmac.

<sup>10</sup> Néné ic yomi eneñ iwawai imuac me imuac hénia ménda niñasarigic séc, sicsaoc zéma mematiti wammianzu. Wañu haséñ yañ ésécnec ménda niñgésima séwiac siñ méndacma birianzu.

<sup>11</sup> Ieneñ Kainac hénia<sup>‡</sup> méndacanzu, wañu

---

<sup>☆</sup> **1:6:** Hén 6:2      <sup>\*</sup> **1:7:** Sodom zéma Gomora; Abarahamac naléiguc Miñ Kewunéñ ic embac ionac kápésic niñac ama areña yanda yomi gericnéñ odarec.    <sup>†</sup> **1:7:** Icnéñ ic alayaguc kaisero wañgic imuac zézéya.    <sup>‡</sup> **1:11:** Kainac hénia; Inéñ nimbupuc wamma munia qehumuyec.

soukiwa niḡac wamma Balamac haka§ waḡsoho sohoya mihicḡiwij zé usurḡec keḡanzu. Waḡu Korawac ac qeḡe hakaiguc\*\* mebiru amuanzu. Imuac niḡac imi eneḡ saecḡinaguc!

<sup>12</sup> Ic ieneḡ onaru toroḡe énécmima onac séḡiséḡi ariaciguc momacnec tacma gamugina qahac nezéléléḡ wamma ariac imuac kiwa néanzu. Kekecgina tanec imi rama galenḡ enaḡ séwigina sac galenḡé amuanzu imuhucya, hosusu méḡ luhucnéḡ mihilanḡéyu kia qahac enḡ hama keḡanzac imuhucya, waḡu ic hésa humuma humudaru zaliacnec qéziqézia wamma héla qahac ai yawurḡ mihicḡianzac imuhucya ésécnec.

<sup>13</sup> Kondurḡ tembona geriwaguc tanec gamugina héndéḡ qéndemma sépécgéanzu imuhucya, sikilao héná sigima keḡkeḡa imuhucya, siḡi tunumanḡ nalé tetcgia qahac hezac iminéḡ ionac buḡa wanzac.

<sup>14</sup> Adamwac sac kitichéra hicḡjima hama kecgic hicḡjsai arenhéra 7 waḡec nalé imuaru Enoko hicḡjyec waḡu inéḡ mia ic biria imuhucya ionac mia bianac ara yomuhuc zéyec. Héḡḡic, Miḡ Kewu imi ic téréya tausenḡa tausenḡa ionac sucḡinaiguc namma mayec.

---

§ **1:11:** Balam imi Israel ic ionac saec ac zémanḡ zé osiyec. (Qét 22:18, 24:13), Waḡu inéḡ waḡ énécmiyu Israel ic ieneḡ Anutu ewa hélacnec ménda welenḡ qemigic. (Qét 25:1-3, 31:16). Waḡu Yesuac naléiguc imi héná acac kiwi ic tosanéḡ Balam imi hémbaoc wamma soukiwa mema saec ac waḡ énécmiyec zéma ku énécmianḡic.

\*\* **1:11:** Kora imi Datan zéma Abiram iriguc, ic embac hinocḡé énécmima Mose zéma Aron andé uruma ereḡnec sac Anutuac ai ic keczaoc? Nini momacnec, zéma andé urugic. (Qét 16:1-35, 26:9,10).

<sup>15</sup> Inéñ icya icya niñgésima ic embac Anutu eeya ménda héianzu ionac haka eebipiya qahac imuhucya zéma késpedesic ic Anutu eeya ménda héimianzu ionac acgina zéráguc imuhucyawac késpedesic ginaguc zéma zétecgé énécmimañ zé mayec.

<sup>16</sup> Ic imuhucya ieneñ imi diric doroc ac biria zéma ac zérac zérac zéanzu. Imuac séwiac siñ méndacma kuayanéñ tétéc qeque ac zéma imuac me imuac memañ zé wamma mepé qepési ac ikora énézéanzu.

### *Goro ac toroqeqeya.*

<sup>17</sup> Ala sorochécna ini mia Miñ Kewunina Yesu Kristoac Méliméli ichéra ieneñ walac ac énézégic imuac niñqelima kecmu.

<sup>18</sup> Ieneñ yomuhuc énézéma zégic, nalé tetcgiaiguc zédesi ic ieneñ hicñima séwiac siñ niñac wamma haka ee héihéiya qahac imuhucya méndacma kemmu.

<sup>19</sup> Ic imuhucyanéñ mia onarunec méndéñ amuma Uña Téréya qahac séwi ic kecanzu.

<sup>20</sup> Ala sorochécna ini mia ninzéñ ninzéñ téréya téngén imuac qahaiguc eñañ kekecac ama imi meyacgému. Imuhuc wamma Uña téréyaguc héiselima zéwelec wamma kecmu.

<sup>21</sup> Imuhuc wamma Anutuac goi héihéiiguc namma galengé amumu. Wanu Yesu Kristoac wésé niniñawac wamma mambéc kecgic kecec hémbénañaguc onagicma keremmac.

<sup>22</sup> Ewa éréhéc wamma kecanzu ionac mia wésé niniñ wañ énécmimu.

<sup>23</sup> Waᅇu tosia imi geric bélaᅇa igucnec qétak metecgé énécmimu, néᅇ séwiginawac siᅇ birianéᅇ mebirigic séwi usugina idacmi acguc momacnec héᅇara mema zénéᅇgina hiriyu wésé niniᅇ waᅇ énécmimu.

*3éwelecwelec ac zéma mepé  
qepési ac.*

<sup>24</sup> Héᅇgaleᅇ waᅇ énécmiyu qeka meka qahac kecgic edamuyaiguc késpedesi solarᅇ zéma ségiségiiguc hai énécmimacac kuha hemizac imi

<sup>25</sup> neᅇaᅇ aᅇgéᅇ titi miᅇina Anutu momacguc keczac iwac muru mia miᅇ kewunina Yesu Kristoac niᅇac wamma edamuya zéma eebipi yanda zéma kuc buᅇa zéma qac buᅇa yandanéᅇ nalé hénihénia qahac imuarunec éréma deguc waᅇu nalé tetecgia qahac heheseli hema emma kecmac. Hélacnec!

**SISIPAC AC QJELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 18 Apr 2025 from source files dated 31 Aug 2023

0403b50f-078d-52e2-a203-056e8a430665